



Broj: 101-1-3083/24

Datum: 26.8.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-3077//24 od 23.8.2024. godine, rektorica Univerziteta „Džemal Bijedić“ u Mostaru donosi

## ODLUKU

### o izboru najpovoljnijeg ponuđača u postupku javne nabavke „Sanacija Zajedničke zgrade Univerziteta“

#### I

Prihvata se preporuka Komisije za javnu nabavku u postupku javne nabavke pod nazivom „Sanacija Zajedničke zgrade Univerziteta“, broj: 180-3077/24 od 23.8.2024. godine i ugovor o nabavci radova u predmetnom postupku se dodjeljuje ponuđaču „**IZGRADNJA TOJAGA**“ d.o.o., **Bišće polje bb, 88000 Mostar**, u skladu s ponudom broj: 230-08-IT/2024 od 20.8.2024. godine.

#### II

Ugovor o nabavci radova se dodjeljuje ponuđaču iz tačke I ove Odluke, sa ukupnom cijenom nakon održane e-aukcije u iznosu od 444.896,63 KM bez PDV-a.

#### III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 12.4. TD u roku od 5 (pet) dana od dana prijema Odluke o izboru najpovoljnijeg ponuđača. Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3) Zakona o javnim nabavkama.

#### IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

#### V

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).



## VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14 i 59/22).

**Obrazloženje**

Odlukom broj: 101-1-3028/24 od 19.7.2024. godine pokrenut je postupak javne nabavke radova pod nazivom „Sanacija Zajedničke zgrade Univerziteta“, putem otvorenog postupka. Komisija za provođenje postupka javne nabavke imenovana je Odlukom broj: 101-1-3029/24 od 19.7.2024. godine. U skladu sa Odlukom o pokretanju nabavke ukupna procijenjena vrijednost nabavke bez PDV-a iznosi 450.000,00 KM. Obavještenje o nabavci broj: 66-1-3-86-3-32/24 objavljeno je na portalu javnih nabavki dana 26.7.2024. godine, zajedno sa Tenderskom dokumentacijom broj: 101-1-3031/24. Sažetak obavještenja o nabavci objavljen je u Službenom glasniku BiH broj: 50/24.

Komisija za javnu nabavku je dostavila rektorici Univerziteta Zapisnik o pregledu i ocjeni ponuda u predmetnom postupku, Preporuku o izboru najpovoljnijeg ponuđača i Izvještaj o radu.

U skladu sa Tenderskom dokumentacijom i obavještenjem o nabavci dana 20.8.2024. godine sa početkom u 12:15 sati održano je javno otvaranje ponuda. U predviđenom roku za prijem ponuda (20.8.2024. godine do 12:00 sati) zaprimljene su 4 (četiri) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-3038/24	GD KONSTRUKCIJE d.o.o.	19.8.2024. godine u 09:43 sati
2.	180-3040/24	GRAMAL GRADNJA d.o.o.	20.8.2024. godine u 10:53 sati
3.	180-3043/24	IZGRADNJA TOJAGA d.o.o.	20.8.2024. godine u 11:35 sati
4.	180-3044/24	GTR d.o.o.	20.8.2024. godine u 11:45 sati

Nakon izvršenog pregleda ponuda, Komisija je konstatovala sljedeće:

**Ponuda ponuđača „GD KONSTRUKCIJE“ d.o.o. je ocijenjena kao neprihvatljiva** iz razloga što cijena ponude u iznosu od 528.807,81 KM bez PDV-a prelazi planirana, odnosno osigurana novčana sredstva ugovornog organa za nabavku, a u skladu sa članom 2. tačka I) alineja 2) Zakona o javnim nabavkama („Službeni glasnik BiH“, 39/14, 59/22 i 50/24). U skladu sa Mišljenjem Agencije za javne nabavke od 31.3.2023. godine (dostupno na: <https://www.javnenabavke.gov.ba/bs-Latn-BA/articles/170/prihvatljivost-neprihvatljivost-ponude>), u otvorenom postupku javne nabavke i konkurentskom zahtjevu za dostavljanje ponuda, neprihvatljivost se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

**Ponuda ponuđača „GRAMAL GRADNJA“ d.o.o. je ocijenjena kao nepravilna** jer nije u skladu sa tenderskom dokumentacijom.

Ponuđač „GRAMAL GRADNJA“ d.o.o. je dostavio nepopunjen Aneks 2 – Obrazac za cijenu ponude sa predmjerom radova, odnosno propustio je upisati jediničnu cijenu po stavki bez



PDV-a i ukupnu cijenu po stavki bez PDV-a u dijelu V.1. predmjera radova koji je sastavni dio Obrasca za cijenu ponude (stranica 8 ponude ponuđača broj: 01-08P/24).

Tačkom 23.2. Tenderske dokumentacije u predmetnom postupku propisano je sljedeće: „U slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena.“ U Napomenama u obrascu za cijenu ponude navedeno je sljedeće: „Za svaku stavku u ponudi mora se navesti cijena vodeći pri tome računa da jedinična cijena ne može biti 0 (nula). Ukoliko ponuda ne bude sadržavala popunjene sve pozicije date u naprijed navedenoj specifikaciji smatrat će se nepotpunom i kao takva će biti odbačena.“

Nadalje, članom 9. stav f) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) jasno je definisano da ponuda sadrži popunjeni obrazac za cijenu ponude. Ponuđači su dužni, u skladu sa članom 57. Zakona o javnim nabavkama BiH („Službeni glasnik BiH broj 39/14 i 59/22), i tačkom 17. Tenderske dokumentacije u predmetnom postupku pridržavati se zahtjeva i uslova iz tenderske dokumentacije.

Na osnovu svega navedenog, a u skladu sa članom 2. tačka l) alineja 3) i članom 68. stav h) Zakona o javnim nabavkama BiH, ponuda je odbačena kao nepravilna.

**Ponuda ponuđača „IZGRADNJA TOJAGA“ d.o.o. je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 444.896,63 KM bez PDV-a. Ponuđač nije dao popust na cijenu.

**Ponuda ponuđača „GTR“ d.o.o. je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 449.905,20 KM bez PDV-a. Ponuđač nije dao popust na cijenu.

Nije bilo osnova za ispravku računске greške u kompletnim i prihvatljivim ponudama.

Nakon provedenog postupka e-aukcije, u skladu s Izvještajem o toku i završetku e.aukcije od 23.8.2024. godine, utvrđena je **konačna rang lista ponuđača** kako slijedi:

1. „IZGRADNJA TOJAGA“ d.o.o. s ukupnom cijenom ponude u iznosu od 444.896,63 KM bez PDV-a,
2. „GTR“ d.o.o. s ukupnom cijenom ponude u iznosu od 449.905,20 KM bez PDV-a.

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor dodijeli **ponuđaču „IZGRADNJA TOJAGA“ d.o.o. Mostar**, sa ukupnom cijenom ponude u iznosu od **444.896,63 KM bez PDV-a**. Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.



U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno, putem pošte ili elektronskim putem.

REKTORIČA

prof. dr. Alena Huseinbegović



**Dostaviti:**

1. Ponuđaču: „GD KONSTRUKCIJE” d.o.o.
2. Ponuđaču: „GRAMAL GRADNJA” d.o.o.
3. Ponuđaču: „IZGRADNJA TOJAGA” d.o.o.
4. Ponuđaču: „GTR” d.o.o.
5. U predmet
6. a/a